

† Gion Giusep Flepp-Jacomet Sedrun 27-5-66

Il 21 de quest, la damaun annunzia gia puspei suenter paucs dis il zenn de s. Vigieli a Sedrun che nies bien vischin Gion Giusep Flepp-Jacomet hagi rendiu sia olma a Niessegner ella biala vegliadetgna de 80 onns e miez.

Gion Giusep ei naschius per S. Leci ils 3 de december 1885 a Cuera e fuvu oriunds de Mustér. Arrivai ils onns fa el igl emprendissadi sco fravi e lavura era suenter de siu mistregn e denteren fa el il pur. Il 28 d'october 1913 sespusa el culla giuvna Margreta Cristgina Jacomet dils geniturs Alfons e Barla Turte de Sedrun. Silsuenter secasescha nies preziau defunct a Sedrun, nua ch'el habitescha tochen sia mort. A quella lètg ei vegniu regalau quater buobas, dallas qualas duas ein gia mortas els giuvens onns, las autras duas feglias ensem cun lur famiglias pliran per siu bien bab, tat e basat. E nus condolein allas famiglias en malencurada.

Il 24 d'october piarda nies Gion Giusep sia buna ed attaschada mumma e consorta, e quei ei stau ina greva frida per nies defunct, mo tut quei ha el era priu dal maun de Diu. El ei staus in um de buca grondas caneras e de siu fatg pertscharts de sia responsabladad sco mariu e bab de famiglia. Per el ein tuttas travaglias de quest mund vargadas e finidas, e nus sperein ch'el hagi anflau in bien e migeivel derschader e retscheivi leusi en tschiel la pagaglia per tut siu prestau cheu sin tiara. Nus giavischin ad el la glisch perpetna e che sia olma sesanfli denter ils beai en tschiel. R.I.P. -u